



## **Universitätsbibliothek Paderborn**

**Diplomatvm Belgicorvm Libri Dvo**

**Le Mire, Aubert**

**Brvxellis, 1627**

45. VVenemarus Castellanus Gandensis fundat Abbatiam Canonicorum regularium in Bornehem, Flandriae municipio, ad veterem Scaldis alueum,  
circa an. 1100.

**urn:nbn:de:hbz:466:1-10903**

minum, iuxta timorem Dei & instituta sanctorum Canonum. Postmodum vero deducatur ante Episcopum, & accipiat temporale beneficium loci, & curam animarum, & prælationis benedictionem.

Rogamus ergo in Domino, tam praesentes fratres nostros, quam & successores Episcopos nostros, & sanctorum Canonum auctoritate interdicimus, & nostra, ne quis hoc donatiuum libertatis violare aut corrumpere presumat. Siquis scienter huius nostræ institutionis priuilegium infregerit, excommunicationi subiaceat.....

Actum Atrebatii in Synodo, in basilica B. Mariæ semper Virginis, Dominæ nostræ, anno videlicet Dei Christi M. XCVII. Indictione 1097. V. XII. Kal. Nouembbris.

### N O T A T I O N E S .

Conɔ)presbyter, eiusque magister Heldenmarus, auctores ac conditores fuere cœnobij Aroasiensis: à quo postea viuendi formulam & nomen accepit reformata Congregatio Aroasiensis Canoniconrum regularium: de qua Iacobus Vitriacus in Historia sua Occidentali agit, & nos in Chronico Canonicorum regularium.

ARIDAGAMANTIA) hodie est Aroasia, vulgo Eroage.

### C A P V T   X L V .

Venemarus Castellanus Gandensis fundat Abbatiam Canonicorum regularium in Burnehem, Flandria municipio,  
circa annum 1100.

**I**N nomine sanctæ & indiuiduæ Trinitatis. Ego WENEMARVS Gandensis Castellanus ecclesiam apud Burnehem, cum membris suis, videlicet Haesfesdunck & Hingen, feci libertate donari: ita ut Canonici inibi manentes duos presbyteros, non de clauistro, sed alios officio congruos, apud Haesfesdunck constituant, quemadmodum tempore aui mei, imò ab ipso auo meo Fulcardo sub banno confirmatum est, vnum qui apud Burnehem.....

Notandum sanè, quia ad usus Canonicorum ibidem regularium omnes decimas de Martinesforhe ad Burnehem pertinentes, & v-

M. 3 num

num mansum terræ inter Broclant & Gestlant, præter ius ad dicum, nec non & vnum sach ad turuos & ad filuam, vnum stele in Valham ad pisces, in Spiringa eandem plicandi potestatem, quam ilius loci dominus habet, dedi.

Dedi & prædium in Bucholt, quod ab Abbe S. Laurentij Leodicensis, & à fratribus emi, cum CC. ouibus, minus decem. Quod Malgotus inde habet in feodum, & Erplant, id est, terra accrescens, exceptum est: sed istud idem exceptum, ad seruitum capellæ meæ, ibidem in Burnheim Domino dedicauit.

Nomina autem testium subscribi fecimus.

Signum Ansbaldi Præpositi.

S. Fulcardi Decani.

S. Ogeri Capellani.

S. Menardi clericu, Benzonis, Throderici, Onulfi, Winezonis, Sigeri.

### N O T A T I O N E S.

BVRNEHEM) sen Bornhem, vulgo Bornhem, est amplum Flandriæ municipium, Baroniæ titulo clarum, cum arce, ad veterem Scaldis alueum. Fuiteo loco olim Canonicorum regularium Abbatia, à Wenemaro Castellano Ganderi fundata: cuius hodieque vestigia ac rudera visuntur iuxta templum parochiale. Hodie in Bornhem est Præpositura seu cella Benedictinorum, ab Affligemio dependens.

HAVESLESDVNCK) hodie Haesdonck, vicus Bornhemio vicinus.

HINGEN) vicus eodem in tractu, Baroniæ titulo nunc clarus.

SPIRINGA) fortè Spirinckbroeck hodie.

BVCHOLT) nunc Buggenhout, ut suspicor, vicus olim Nassauia, nunc Bournonvillia gentis: ubi quondam fuit cella seu Prioratus monachorum cœnobij Affligemienfis.

CAPVT